

13.03.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 403946/05-Վ
ՎԱՐՉԱԿԱՆ ՎԱՐՈՒՅԹԸ ՎԵՐԱԿԱՆԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյան,
քննելով 13.03.2020թ. թիվ 5213 վարչական իրավախախտման վերաբերյալ արձանագրությունը և կից
նյութերը,

ՊԱՐԶԵՑԻ

«ՖԻԼԻՆ» ՍՊԸ-ի տնօրեն՝ Արտավազդ Մամյանը (ՀՎՀՀ՝ 00852254, հասցե՝ ՀՀ ք. Երևան, Թումանյան
11 26) ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2019
թվականի հոկտեմբեր ամսվա եկամտային հարկի հաշվարկը, ինչի համար նախատեսվում է
պատասխանատվություն Վարչական իրավախախտումների վերաբերյալ ՀՀ օրենսգրքի 169-րդ հոդվածի 2-րդ
մասով:

Վարչական վարույթի շրջանակներում Արտավազդ Մամյանին փոստային ծառայության միջոցով
հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և
գործի քննությանը մասնակցելու վերաբերյալ: Նկատի ունենալով, որ ծանուցագրի ստացման փաստը
հավաստող ապացույց առկա չի եղել, ուստի ՀՀ ՊԵԿ իրավաբանական վարչության պետի կողմից
13.01.2020 թվականին կայացվել է վարչական վարույթը կասեցնելու մասին որոշում՝ համաձայն
«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ»
կետի:

Կողմին հայտնաբերելու նպատակով ձեռնարկվել են համապատասխան միջոցներ: Գործում
առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի
է, դարձել, որ Արտավազդ Մամյանը 2019 թվականի հոկտեմբեր ամսվա եկամտային հարկի հաշվարկը
ներկայացրել է 21.11.2019թ-ին և տվյալ հաշվարկից առաջացած հարկի գումարը կազմել է 53.450 ՀՀ դրամ,
որը 26.11.2019թվականին վճարել է:

Ելնելով վերոգրյալից և նկատի ունենալով այն փաստը, որ Արտավազդ Մամյանը եկամտային հարկի
հաշվարկը ներկայացրել է 21.11.2019թ-ին՝ 1 օր ուշացումով, ինչպես նաև իրավախախտումը ունի նվազ
նշանակություն, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ
հոդվածի 2-րդ մասով, 21-րդ, 244², 281 հոդվածներով և 282 հոդվածի 1-ին մասի 2-րդ կետով
«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով և
ՀՀ օրենքի 8-րդ հոդվածի՝

ՈՐՈՇԵՑԻ

1. Արտավազդ Մամյանի վերաբերյալ հարուցված թիվ 5213 վարչական վարույթը վերսկսել
2. Արտավազդ Մամյանին ազատել վարչական պատասխանատվությունից և հայտարարել բանավոր
դիմադրություն:

3. Արտավազդ Մամյանի վերաբերյալ հարուցված թիվ 5213 վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ